



Mannréttinda- og ofbeldisvarnarráð
Ráðhúsi Reykjavíkur

Fulltrúi Flokks fólksins lagði fram eftirfarandi fyrirspurn á fundi mannréttinda- og ofbeldisvarnarráðs dags. 24. nóvember 2022:

Aðgerðaáætlun Reykjavíkurborgar gegn ofbeldi 2022 – 2024 er unnin af ofbeldisvarnarnefnd Reykjavíkurborgar. Hún er sett fram til að fá yfirsýn yfir þau fjölmörgu verkefni sem borgin sinnir í vinnu gegn ofbeldi. Henni er einnig ætlað að vera vegvisir í baráttunni gegn ofbeldi og tryggja að þau verkefni sem tilgreind eru verði framkvæmd. Aðgerðaráætlunin er sannarlega viða mikil og metnaðarfull. Metnaðarfullum hugmyndum þarf að fylgja eftir. Hver er ábyrgð ofbeldisvarnarráðs á þessari aðgerðaráætlun? Í áætluninni eru vissulega nefndir ábyrgðaraðilar fyrir sérstökum verkefnum og viða nefnt að verkefni eigi að vera komin til framkvæmda haustið 2022. Það sem Flokki fólksins langar að vita er hvað gerist ef einhver ábyrgðaraðili fer ekki eftir aðgerðaráætluninni? Það er ekki nóg að skrifa fallegar stefnur/ áætlanir það þarf að fylgja þeim eftir annars verða þau bara orðin tóm.

Fyrirspurninni var vísað til mannréttinda- og lýðræðisskrifstofu til umsagnar.

Umsögn skrifstofunnar:

Ábyrgð mannréttinda- og ofbeldisvarnarráðs:

Eins og fram kemur í aðgerðaráætlun borgarinnar gegn ofbeldi þá er það hlutverk ofbeldisvarnarnefndar, nú mannréttinda- og ofbeldisvarnarráðs að fylgja eftir aðgerðaráætluninni.

“Ofbeldisvarnarnefnd fylgir eftir ýmsum verkefnum sem lúta að minnkun ofbeldis m.a. hefur hún það hlutverk að fylgja eftir þessari aðgerðaráætlun” (bls. 2).

Hvað gerist ef einhver ábyrgðaraðili fer ekki eftir aðgerðaráætluninni?

Framkvæmd aðgerðaráætlunarinnar byggir á góðu samstarfi við ábyrgðaraðila. Í ákveðnum tilvikum geta verið góðar ástæður fyrir því að verkefni frestist og einnig getur það átt sér stað að verkefni sem við fyrstu sýn virkuðu vel séu ill framkvæmanleg eða þjóni hreinlega ekki tilgangi sínum. Í slíkum tilvikum kemur slíkt fram þegar kallað er eftir stöðu mála og þarf þá annars vegar að vera með skýringar á frestun eða greina frá ástæðum þess að verkefni hafi ekki verið unnin.




Reykjavíkurborg

Ofbeldisvarnarnefnd sem áður bar ábyrgð á að fylgja eftir aðgerðaráætlun borgarinnar gegn ofbeldi kallaði í ákveðnum tilvikum ábyrgðaraðila inn á fund nefndarinnar til að fara yfir mál ef að aðgerðum hafði ekki verið fylgt eftir.

Mannréttinda- og ofbeldisvarnarráð og mannréttinda- og lýðræðisskrifstofa ráða ekki yfir neinum leiðum til að hegna fyrir það að verkefni séu ekki framkvæmd.

Öll vinna við aðgerðaráætlunina byggir á góðu samráði og er önnur nálgun ekki vænleg til árangurs.



Virðingarfyllst,

Halldóra Dýrl. Gunnarsdóttir

Miðlæg stjórnsýsla

Mannréttinda- og lýðræðisskrifstofa

Samrit:

Hjálagt: